



O'ZBEKISTON RESPUBLIKASI  
ADLIYA VAZIRLIGIDA  
DAVLAT RO'YXATIDAN O'TKAZILDI  
RO'YXAT RAQAMI: 1778-4  
2025 - yil 22 - Aprel

**O'ZBEKISTON RESPUBLIKASI  
MAKTABGACHA VA MAKTAB TA'LIMI VAZIRINING  
BUYRUG'I**

**Umumiy o'rta ta'lim oluvchilarning yakuniy davlat  
attestatsiyasi to'g'risidagi nizomga o'zgartirishlar va  
qo'shimcha kiritish haqida**

O'zbekiston Respublikasi Prezidentining 2022-yil 21-dekabrda PF-269-son "Yangi O'zbekiston ma'muriy islohotlarini amalga oshirish chora-tadbirlari to'g'risida"gi va 2023-yil 26-mayda PF-79-son "Maktabgacha va maktab ta'limi vazirligi hamda uning tizimidagi tashkilotlar faoliyatini samarali tashkil etish chora-tadbirlari to'g'risida"gi farmonlariga muvofiq **buyuraman:**

1. O'zbekiston Respublikasi xalq ta'limi vazirining 2008-yil 4-martda 56-son buyrug'i (ro'yxat raqami 1778, 2008-yil 20-mart) (O'zbekiston Respublikasi qonun hujjatlari to'plami, 2008-y., 12-13-son, 78-modda; 2015-y., 3-son, 36-modda) bilan tasdiqlangan Umumiy o'rta ta'lim oluvchilarning yakuniy davlat attestatsiyasi to'g'risidagi nizomga ilovaga muvofiq o'zgartirishlar va qo'shimcha kiritilsin.

2. Mazkur buyruq rasmiy e'lon qilingan kundan e'tiboran kuchga kiradi

Vazir  
09-Aprel 2025-yil  
2-mh-son



UMAROVA XILOLA  
UKTAMOVNA

O‘zbekiston Respublikasi maktabgacha va maktab ta’limi  
vazirining 2025-yil 9-apreldagi 2-mh-son buyrug‘iga  
ILOVA

**Umumiy o‘rta ta’lim oluvchilarning yakuniy davlat attestatsiyasi  
to‘g‘risidagi nizomga kiritilayotgan o‘zgartirishlar va qo‘shimcha**

1. Nizom muqaddimasi quyidagi tahrirda bayon etilsin:

“Mazkur Nizom umumiy o‘rta ta’lim oluvchilarning yakuniy davlat attestatsiyasini (bundan buyon matnda yakuniy attestatsiya deb yuritiladi) o‘tkazish jarayonini tartibga soladi.”.

2. 6-band quyidagi tahrirda bayon etilsin:

“6. Bitiruvchi sinflarda yakuniy attestatsiya o‘tkaziladigan fanlar ro‘yxati, shakli va muddatlari har o‘quv yilida O‘zbekiston Respublikasi Maktabgacha va maktab ta’limi vazirligi tomonidan tasdiqlanadi.

Bunda, ushbu ro‘yxatga ta’lim tili o‘zbek tili bo‘lmagan maktablar uchun davlat tili majburiy fanlar blokiga kiritiladi.

Yakuniy davlat attestatsiyasi doirasida 11-sinf bitiruvchilari majburiy hamda tanlov fanlari bo‘yicha yakuniy attestatsiyadan o‘tkaziladi. Bunda, tanlov fanlari ro‘yxatidan bitiruvchi oliy ta’lim tashkilotiga kirish imtihonidagi o‘zi tanlagan yo‘nalishga mos fanlarni tanlashi mumkin.”.

3. 7-bandning birinchi xatboshisi quyidagi tahrirda bayon etilsin:

“7. Bitiruvchi sinflar uchun yakuniy attestatsiya materiallari (yozma ish yoki insho mavzulari, matematika bo‘yicha topshiriqlar, og‘zaki imtihon biletleri, test topshiriqlari) O‘zbekiston Respublikasi Maktabgacha va maktab ta’limi vazirligining Ixtisoslashtirilgan ta’lim muassasalari agentligi huzuridagi Pedagogik mahorat va xalqaro baholash ilmiy-amaliy markazi tomonidan tayyorlanib, ekspertizadan o‘tkazilib, O‘zbekiston Respublikasi Maktabgacha va maktab ta’limi vazirligi qoshidagi Respublika ta’lim markazi tomonidan tasdiqlanadi.”.

4. 10-bandda:

1) birinchi xatboshidagi “keyingi o‘rinlarda” degan so‘zlar “bundan buyon matnda” degan so‘zlar bilan almashtirilsin;

2) yettinchi xatboshi quyidagi tahrirda bayon etilsin:

“Yakuniy attestatsiyada kuzatuv kengashi hamda fuqarolarning o‘zini o‘zi boshqarish organlari vakillari jamoatchilik asosida kuzatuvchi sifatida qatnashishlari mumkin.”.

5. 11-banddan “Ushbu jarayonda O‘zbekiston Respublikasi Oliy ta’lim, fan va innovatsiyalar vazirligi huzuridagi Bilim va malakalarni baholash agentligi vakillari ishtirok etishlari mumkin.” degan so‘zlar chiqarib tashlansin.

6. 17-banddagi “bayon”, “Bayon” degan so‘z tegishli ravishda “yozma ish”, “Yozma ish” degan so‘zlar bilan almashtirilsin.

7. 18-bandning birinchi xatboshisidagi “bayon” degan so‘z tegishli ravishda “yozma ish” degan so‘zlar bilan almashtirilsin.

8. 21-bandning ikkinchi xatboshisidagi “bayonlari” degan so‘z “yozma ishlari” degan so‘zlar bilan almashtirilsin.

9. 22 va 25-bandning birinchi xatboshilaridagi “bayon” degan so‘z tegishli ravishda “yozma ish” degan so‘zlar bilan almashtirilsin.

10. 32-bandning birinchi va ikkinchi xatboshilaridagi hamda 33-banddagi “xalq ta’limi” degan so‘zlar “maktabgacha va maktab ta’limi” degan so‘zlar bilan almashtirilsin.

11. 37-bandda:

1) birinchi xatboshidagi “xalq ta’limi” degan so‘zlar “maktabgacha va maktab ta’limi” degan so‘zlar bilan almashtirilsin;

2) quyidagi mazmundagi to‘rtinchi xatboshi bilan to‘ldirilsin:

“Xorijiy tillar hamda umumta’lim fanlari bo‘yicha milliy yoki xalqaro tan olingan sertifikatga ega bo‘lgan o‘quvchi yakuniy attestatsiya topshiriladigan fandan ozod etiladi. Bunda, xorijiy tillar hamda umumta’lim fanlari bo‘yicha milliy

va xalqaro tan olingan sertifikatlar ro'yxati Maktabgacha va maktab ta'limi vazirligi tomonidan tasdiqlanadi.”.

12. 38-bandning birinchi xatboshisidagi “xalq ta'limi” degan so'zlar “maktabgacha va maktab ta'limi” degan so'zlar bilan almashtirilsin.

13. 39-bandning ikkinchi xatboshisidagi “Xalq ta'limi vazirligi” degan so'zlar “Maktabgacha va maktab ta'limi vazirligi” degan so'zlar bilan almashtirilsin.